

վերջնականապէս լուծելու աշխատանքի եւ գրամադրիսի նշանակալ կնճիւր, գէթ մեծապէս հարթելու այն ուղիները, որոնք անշեղ պիտի առաջնորդէին աշխատաւորին դէպի լիակատար ազատագրում: Գաղափարը վիթխարի էր. կօմպրօմիսներ չէր հանդուրժում, եւ դէպ իր նպատակը սլանում էր մերկի պէս. աշխարհի քաղաքական ու համայնական, բարոյական ու հոգեւոր ամբողջ կառուցուածքն էր զրնդում նրա հարուածներին տակ:

Նա անդիմադրելի հրապոյր ունէր բոլոր ազատատենչ ու արդարութեան ծառաւ հոգիների համար. ամենէն վատատեսներն իսկ չընչապառ սպասում էին, թէ ի՞նչ է լինելու: Համայն աշխարհի պրօլետարիատը ակնդէտ ու հմայքով հետեւում էր սկսուած խօլական շարժման յեղեղումներին, որոնք Լենինի վարժ դեկամարութեամբ յորձանք էին տալիս ուստական լայնեզր հարթութիւնների վրայ:

«Ո՛ր է տանում այս խռովայոյզ եւ յուսացող ցեղերին, — գրում էի ես 1917 թուի դեկտեմբերին, — ուսական այս տիտանեան յեղափոխութիւնը. դէպի ո՞ր հորիզոններն է քաշում նա մերկուած, ըմբոստացած միտքն ու խիղճը բռնակալների դէմ ծառացած մարդու: Ա՛հ, երանի թէ դէպի հոգեւոր, մտաւոր ու ֆիզիկ վերջնական ազատագրումը, երանի՜ թէ վիթխարի Դեմոսի վիթխարի թոփշները թոյլ չը տան ցարական հիւրապին վերստին երեւալու»:

Յարիգմը տապալուեց, այո՛, եւ ըստ երեւոյթին անդարձ. եւ դա բոլշեւիկեան յեղափոխութեան գուցէ խոշորագոյն ծառայութիւնն է, որ անհնարին դարձրեց վերադարձը մղձաւանջային անցեալի:

Յարիգմը տապալուեց, բայց այնուհետեւ անցած դարձածն ամբոխների վայրագ խելաշնչութեան մի օրգիւս է, որ արիւնոտ արտայայտութիւններով, իր հրէշաւոր ու անիմաստ նախճիրներով յիշեցնում է նախնական դարերի բարբարոսութիւնները, մարդկային ատաւիկ բնազդների անասնական բռնկումները:

Տարբարխտաբար ազատութեան ձգտումին համահաւասար յաճախ մարդու մէջ կրակի պէս միտում է իր նմանների վրայ իշխելու ձգտումը: Եւ մի խումբ ամէն ցեղի ու լեզուի

պատկանող յանդուգն արկածախնդիրներ խիզախ զաղափարն ունեցան Խեղերքը բախտաւորեցնել իրենց ուղած ձեւով, իրենց կրօնիկների տակ: Աշխատաւորի ազատագրութեան զաղափարը շատ շուտ տեղի տուեց իշխելու, բռնանալու անասնական տենչանքին եւ յանուն պրօլետարիատի բարձրացած ուժեղ բազուկը թափով իջաւ այդ խել պրօլետարիատի խոշտանդուած թիկունքին: Քաւութեան նոխազն ուսու ժողովուրդն էր, միակն աշխարհում, որ կարող էր տանել այս անլուր բռնութիւնը, քանի որ նա արդէն դարեր շարունակ ապրել էր ցարիզմի սանձարձակ հարստահարութիւնները:

Մենք տեսանք, թէ ի՞նչպէս եւ ինչո՞ւ համակերպուեց ուսու ժողովուրդը:

Տեսանք, թէ ինչո՞ւ այս բարբարոսական բեժիմը դիմանում է ահա տաան տարի: Եւ սակայն, բոլշեւիզմը զատապարտուած է, եւ նրա փլուզումը հնու չէ, հակառակ ուսու ժողովրդի ողբալի ապատիային: Քաղաքական արսուրդը ինքն իր մէջ կրում է կործանումի որդը, ինչպէս դէժ եւ ծուռ հիմի վրայ բարձրացած ճարտարապետական կառուցուածք:

Ամէն մի յեղափոխութեան իմաստը նախ եւ առաջ ազատութեան անպարփակ ու հզոր զղացմունքի պոթիկումն է, անհատական ու հասարակական խղճի անկաշկանդ ու բուռն արտայայտութիւնը:

Արդ՝ յանուն յեղափոխութեան ջնջել բոլոր եղած ազատութիւնները եւ դալիքի կարելիութիւններն իսկ, ինչպէս այդ արին բոլշեւիկները, հասարակական յեղաշրջումների մեծագոյն արսուրդն է: Եւ երբ որեւէ յեղափոխութիւն հասնում է այդ ճակատագրական սահմանին, նա այլեւս ամենէն դաւադիր, ամենէն դարչ բէակցիան է, որ ծառայում մէ ոչ թէ աշխատաւորութեան եւ առհասարակ համայնական բարօրութեան, այլ անհատների եւ սուր հաշիւներով իրար կապուած խմբակցութիւնների շահերին:

Ռուսիայում իշխողն այսօր այդ բէակցիան է, որ կործանում է անգամ ցարիզմից չորթած չնչին ազատութիւնները:

Եւ ես կատարելապէս հասկանում եմ կերենսկուն, որ անցեալները մի ընկերական հա-